



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tribunal Poenitentiæ Sev Libri Dvo Prior De Poenitente Ut
Reo Posterior De Confessario Ut Judice**

Stoz, Matthäus

Anno M.DC.LXXXIX.

Quæstio II. De quibusdam alijs ante Confessionem expediendis.

urn:nbn:de:hbz:466:1-37144

tima confessione lapsorum dierum peccata omnia , sive dein ore , sive opere , sive etiam mente duntaxat commissa illa sint , præcipue autem ea , in quæ proclivior est , & frequentior lapsus , in memoriam sunt revocanda , & ante oculos mentis nostra statuenda : quod equidem illi , qui quotidie suæ conscientia latebras diligenter eâ , de qua suprà à n. 6. accuratio ne discusserit examinaritque , non erit difficile . Atque ut peccata commissa in memoriam facilius revocari queant , et si sati esse videatur , ante oculos habere præcepta tum DEI , decalogo comprehensa , tum Ecclesiæ ; peccata item capitalia , opera misericordia tum corporalia , tum spiritualia , nec non statum vitæ , in quo verlaris , & officium , quod geris : infra tamen parte tertiarum subjiciam aliquem eorum delictorum , quæ solent esse faciliora & frequentiora , catalogum .

109. IV. Diculsa in hunc modum conscientiâ , peccatisque in ordinem , prout Sacerdoti exponere volueris , redactis , pensanda est , & etiam atque etiam ponderanda eorundem gravitas & maliitia , ad eorumque detestationem & vehementem dolorem excitanda voluntas , attendendo , quem , & quantum , quam munificum , quam bonum DEUM , Creatorem , Redemptorem , Conservatorem , Dominum , Patrem , Largitorem bonorum omnium &c. peccatis tuis offenderis : quantâ gratiâ excideris , quantum regnum perdidieris , quanta damna & supplicia in futurum incurreris &c. His consideratis in contritionem & cordiale peccatorum detestationem eruppe , iuxta formulam aliquam infra partem secundâ præscribendam . Actui vero

contumelias elicendo non incongruè præmitti poterit hæc vel similis oratio .

Domine JESU Christe , respice digneris super me miserum peccatorem oculis misericordia tuæ , quibus respexisti Petrum in atrio , Magdalena in convivio , & latronem in patibulo , & præsta , ut cum Petro peccata mea dignè defleam , cum Maria Magdalena perfectè te diligam , & cum latrone in sæcula sæculorum te videam . Amen .

no. V. Seriò propone imposterum cum DEI gratia vitæ emendationem , maximè in illis peccatis , in quæ sæpius & gravius ab ultima confessione es lapsus . Formam propositi habes infra insertam formâ & praxi Contritionis eliciendæ .

Et in hunc modum si te ad Sacramentum Pœnitentiæ obeundum preparaveris , existima , te tuo officio haec tenus bene functum esse . Deinceps vero id unum cavebis , ne quidquam admittas , quod tu tam bonæ & sincera ad confitendum dispositioni obesse possit ; & hoc non est nisi peccatum aliquid mortale : hoc enim solum est , quod dolorem novum Sacramenti suscipiendo non sit amplius utilis .

QUÆSTIO II.

De quibusdam aliis ante confessionem expedientis.

Duo adhuc sunt , quæ prius , quam ipsum Confessionis negotium coram legitimo sacerdote incipiat tractari , hoc loco

loco expedienda sunt : unum peccatorum adnotacionem in charta concernit ; alterum electionem Confessarii.

ARTICULUS I.

An peccata sine profutura confessio-ne scripto adnotanda ?

iii. Cajetanus *V. Confessio. condit.* n. 11, id esse valde utile, imò quod alii no-tant, etiam confundendum faltem iis, qui-bus memoria est valde debilis ; est enim hæc diligentia de se non mala, & aliàs ordinatur ad bonum finem ; mo-dò prudenter fiat, & caveatur probabile ejusmodi scripturam amittendi pericu-lum : cùm enim scriptura sit signum ali-quot permanens, naturâ suâ publicum, & hoc ipso, quia amitti potest, multis peri-culis expositum, confessio per eam insti-tuenda reddi potest per quam odiosa & gravis, utpote nata ad peccatum etiam alteri, non habenti potestatem absolvendi, manifestandum, ad quod sanè nemo aliàs, nisi volens obstringi potest. Hinc jam

n. 12. Patet, neminem per se obliga-tum esse, peccata sua, cùm ad sacrum Pœnitentiax Tribunal perferenda sunt, scripto committere, saltem, si suæ me-moria confidere queat : imò etiam ne-que tunc, cùm labilem & lubricam me-moriā habet, Bonac. *D. 5. g. 5. f. 2. p. 2.* §. 1. n. 4. & p. ult. n. 7. Henriq. *L. 4. c. 4. n. 8.* Coninch. *D. 7. d. 9. n. 72.* Regi-nald. *L. 6. c. 3. n. 82.* Suar. *D. 22. f. 10. n. 4.* Dicast. *D. 7. d. 14. n. 244. & D. 9. d. 10. n. 869.* & alii communiter, inter quos est etiam Lugo *D. 15. n. 41.* apud eundem Dicast. *dicto n. 244.* sufficit ni-

mirum, ut qui confiteri cogitat, adhibeat moralem & humano modo coniuetam & ordinariam diligentiam, peccata in memoriam revocandi : ad maximam, extraordianariam, & non communem ne-mo tenetur juxta dicta n. 7. sed solum ad mediocrem, de qua suprà an. 8. Neque extat ullum præceptum Divinum reti-nendi memoriam peccata, sed, cùm adest tempus confessionis, ea, quorum factò diligenti examine recordamur, confiten-di. Adde, quòd usus fidelium id satis declareret; pauci enim sunt, qui scribunt, & qui id faciunt, solum ex devotione & superabundanti, quæ laudanda est, di- ligentiâ faciunt.

n. 13. Dixi autem : *Per se* : in aliquo enim raro casu potest contingere, ut te-neatur quis etiam scripto, si aliter non possit, confiteri. Hinc si articulus mor-tis urgeat, & moribundus existimet, se non posse elicere perfectam contritio-nem, nec superesse aliud medium consu-lendi æternas suæ saluti, præterquam confessionem scriptam ad eam, seposito quo-vis revelationis periculo, tenerur. Suar. *D. 36. f. 6. n. 7.* Bonac. *D. 5. g. 5. f. 2. p. ult. n. 6.* Dicast. *n. 241.* & alii, ab ipso relati n. 239. inter quos est etiam Lugo dicta *D. 15. n. 87.*

n. 14. Ceterum character, si quis om-nino velit scripto confiteri, sit, oportet, ejusmodi, ut omnia peccata commode & sine hæsitatione legi possint; non enim desunt, qui licet in suis delictis de-scribendis sint perquam accurati, tam malè tamen scribant, ut ea non nisi syllabatim dicere possint, non sine sua ipso-rum, aliorumque gravi molestia & fasti-dio : præstat ex memoria sua peccata

Con-

Confessario aperire, quām ex charta tam malē formata; sic enim illa cum majori devotione & contritione exponentur, & patet in confessione.

115. Nec refert, periculum esse, ne unum vel alterum elabatur inter confitendum ex memoria; hoc enim periculum rārum est: &, si contingat, ut omittatur aliquid peccatum ob inculpatam obli-
vionem, excusatur p̄nitens, & à peccato
sic omisso nihilominus absolvitur, et si
cum obligatione id, postquam in memo-
riam redit, in proxima confessione mani-
festandi.

ARTICULUS II.

De Confessario diligendo.

116. Si quod ullum est negotium, in quo opus sit fideli amico, & directore, est id, quod est de confessione peragen-
da: si verò p̄nitens in eo diligendo aliud quidpiam, quām quod ad ipsum in via salutis dirigendum spectat & facit,
consideret, nā ille vanus sit, & progres-
sus in virtute non satis studiosus. In de-
ligendo ergo Confessario nihil aliud præ-
ter animae suā salutem attendat, & deli-
gateum, qui sit vir doctus & prudens,
quem ut Patrem suum amet, ut Ju-
dicem suā conscientiae timeat, ut Du-
cem in via spirituali sequatur, ut Magi-
strum rerum spiritualium audiat, ut Me-
dicum in morbis, molestiis, ac difficul-
tibus animi consulat; tandem eum, cui
se totum sincerè aperiat, & à cuius nu-
tu, consilio & directione in omnibus ad
salutem suam spectantibus pendeat. In-
credibile enim est, quanti id momenti
sit, & quantum boni, consolationis, &

R.P. Stoz Trīb, Panič.

securitatis in eo insit. Quod ergo face-
ret quis ad succurrendum corpori malē
affecto, hoc ipsum, imò amplius faciat
animae causā, cuius salus longē potior est
sa lute corporis. Confessarium enim ig-
norantem & imperitum querere, est quo-
dāmmodo certum sibi ducem ad infer-
num querere; idque est, ut Suar. D. 28.
f. 2. n. 9. & Reginald. I. 6. c. 3. n. 73.
tradunt, peccatum grave, siquidem talis
Confessarius studiosè queratur, potest
enim contingere, ut bonā fide eligat il-
lum, quem putat esse doctum, peritum,
& sufficientem ad rectam tanti mysterii
administrationem, cūm tamen postea
longē alium experiatur, videlicet indo-
ctum &c.

117. Quod si ergo unum talem, qua-
lem dixi, tibi delegeris in Confessarium,
eo unico deinceps, quoad fieri potest, uté-
ris, neque ab uno ad alium, mox ad ter-
tium discurses: hoc enim nihil est per-
niciosius, nihil periculosius, nihil ineptius;
tales enim discursores & vagabundi plū
satis indicant, se nolle juvari & dirigi, imò
nec veram suī emendationem proponere.
Si tamen tanta esset verecundia, ut peric-
ulum sacrilegii ex confessione non in-
tegrā imminueret, melius esset, alium adire,
& in tenebris peccati virus evomere,
quām in tenebras exteriōres & aternas se
conjicere.

118. Nihilominus tamen tuo sic electo
Confessario non debes ita te addicere, ut
si mutandus sit, inde turberis: et si enim
expedit, conscientia suā morbos sem-
per deregere uni Medico, qui agnito
periculo relapsus sciat adhibere con-
gruentem medicinam, & in dubiis aliis
que rebus, ad animae salutem spectanti-

F

bus,

bus, consilio & auxilio opportuno adesse; nullius tamen alterius quam istius unius iudicio aut directione velle credere, nescio, quid sapiat vel amoris vel alterius affectus non satis castigati.

119. Quiverò, dum suas necessitates omnibus proponunt, semperque sperant, se audituros tandem, quod ad suum genus fatnrum sit aptius & facilius, pessimè sibi consulunt, séque ipsos decipiunt graviter. Dum enim diversa iudicia accipiunt, mutabiles sunt, &c., dum firmi non subsistunt, nunquam sibi satisfaciunt, semper inquieti, imò sapè nec securi in conscientia: v.g. Usurarius aliquis circumit, usque dum tandem inveniat aliquem imperitum, qui eum ab onere restitutionis liberet; sed hic, dum iusmodi diverticula querit, aliud suæ operæ pretium non refert, quam ut ipse, & ejus consultor pessimus cum reprobis suam accipiat portionem; iste enim graviter peccat tam malè consulendo; ille vero facilem confitetur ex defectu doloris de præteritis, & propositi de vitando impotens peccato, nec ab onere restitutio-nis, quod tamen unicè quererebat, libera-tur. Bonac. D. 5. q. 5. f. 2. p. 2. §. 2. n. 17. Navar. c. 17. n. 83.

120. Quod si tamen aliquis, non animo inveniendi aliquem, qui ad suum libitum absque sufficienti probabilitate respondeat, sed animo faciendi id solum, quod sibi licere fuerit judicatum, plurimum super eadem re judicium & sentum exploreat, talis non esset condemnandus. Bonac. de peccat. D. 2. q. 4. p. 9. n. 10. Sanch. l. 1. c. 9. n. 24. cuiilibet enim fas est suum jus protegere, quod

rectè fit, dum queritur sententia verè probabilis; hanc enim lequum est, ut omnes nō rūnt.

121. Sed quid? si aliquis duobus confessariis, uno ordinario viro gravi & familiari, apud quem in bona est fama & existimatione; altero, cui sit ignotus, utatur, ita ut priori confiteatur, cùm tantum peccata communia & leviora occurrent; posteriori vero, cùm graviora, & magis infamativa, qualia cententur esse obscenæ, accidunt, ne videlicet suam, quam apud alterum habet, bonam famam perdat. Certum est, ejusmodi variationem, si fiat confessio apud eos, qui alioqui legitima absolvendi potestate sunt praediti, non esse per se illicitam, neque aliam in ea gravem seu mortaliter malam appare-re deformitatem, imò si justa causa sub-sit, ne veniale quidem, ut si quis abhorreat à confessione peccatorum mortalium, præsertim, ut dixi, obscenorum, huic Confessario, quem ob aliquam cau-sam vel non vult, vel non audet desere-re, faciendā, semper enim profert, quæ non est confessus: ea vero, quæ jam se-mel confessus est, non tenetur iterum confiteri: modò interim illud studiosè curet, ut priori Confessori aperiat peccata mortalia omnia, venialia vero posteriori; fecus enim si faceret mutato ordine, haud dubiè peccaret mortaliter, & con-fiteretur sacrilegè. Suar. D. 22. f. 1. n. 13. Bonac. D. 5. q. 5. f. 2. p. 2. §. 2. n. 5. Dicast. D. 9. d. 2. n. 164. Navar. c. 17. n. 40. & multi alii, quos congerit Dian. 3. p. tr. 14. R. 132. inter quos apud Dicast. est Lugo. D. 16. f. 2. n. 57.

122. Ni-

122. Nihilominus hæc res plerumque non vacat aliqua deordinatione, & signum est animi suam magis estimationem, quam spiritualem profectum curantis. Imò fieri potest, ut talis etiam peccet mortaliter, Dian. I. c. si nempe eā ratione exponat se periculo labendi in peccata mortalia, & ea nunquam efficaciter emendandi: quod ijs accidere potest, qui de industria adeunt Confessarios non fatis peritos, vel quorum unus est vulgaris & liberior, cui gravia; alter timoratus & bonæ doctrinæ, cui levia duntaxat confitentur; vel quibus ignoti sunt, nulum constanter rerinentes, sed ab uno ad alterum transilientes, perinde ut aviculae à ramo ad ramum solent.

123. His nihilo meliores sunt, qui ut sibi falsam probitatis & sanctitatis opinionem concilient, ita variant Confessarios: facile enim hac variatione potest intervenire hypocrisis, & quidem etiam gravis; & consequenter, cum repugnet, eam confessionem, per quam anima contaminatur peccato mortali, valere ad illam à peccatis emundandam, eam censeri invalidam, tanquam illam, quæ fit ad patefaciendum sibi aditum ad aliquod flagitium perpetrandum: hac autem in re

extra dubium est, notabilem admitti irreverentiam DEI, dum nimurum Sacramentum ab ipso institutum sumitur in testimonium quoddam & confirmationem falsitatis. Reginald. I. 6. c. 5. f. 2. n. 149. Ex dictis breviter

124. Patet, non esse condemnandum, qui cùm non esset solitus peccare gravior, præter eam tamen consuetudinem latius est in peccatum aliquod grave, in genere v.g. luxuria, quod ordinario suo Confessario, apud quem bonam haec tenus servavit opinionem, confiteri erubesceret; sed neque si crebrius id fieret, quidquam contra confessionis integratem committeretur, siquidem primo illi Confessario pœnitens venialia confiteri non tenetur; secundo autem confiteri eadem venialia non prohibetur, ut verò mortalia eidem aperiat, non tenetur, cùm ea priori jam integrè omnia, prout oportet, expoluerit, ut suppono. Aliud est de eo, qui etiam raro, studio tamen, mutat Confessarium, ne deplorandus animæ suæ status plenè intelligatur, & severior medicina, prout deberet, ei applicetur; reverentia enim tam sancti Judicij tales fraudes non patitur, sed potius arguit peccati non levis.

PARS II. DE CONTRITIONE.

In qualibet vera Contritione duo ferè spectari possunt, quorum unum est Contritio ipsa: alterum resoluta voluntas seu propositum firmum amplius non peccandi.

F 2

QUÆ-